



Conciones, Siue Conceptvs Theologici Ac Praedicabiles, In Omnes Totivs Anni Dominicas

Opvs Novvm Figvris, Allegoriis, Similibvs Ex Sacris profanisq[ue]
Scriptoribus plenißimum, cum occurrentium fidei controuersiarum
tractatione.

Besse, Pierre de

Coloniae Agrippinae, 1620

Dominica Sexta Post Pascha.

Nutzungsbedingungen

[urn:nbn:de:hbz:466:1-56314](https://nbn-resolving.org/urn:nbn:de:hbz:466:1-56314)

ge, & nos ad eandem sanctè pieque fundendas dispone: scpe, fateor, plenæ imperfectio- nibus sunt, nec exaudiuntur, eo quod non bene fusa, scpe enim cum superbia & animi elatione tibi eas offerimus, scpe in peccati statu funduntur, scpe minima data occasione interrumpuntur. Humilitatem igitur ve- ram, quæ easdem comitetur, caritatem & di- lectionem, quæ easdem succendat, & robur, quo in iisdem persistamus, elargire. Quæ si impetrauerimus, vota precesque nostræ tibi acceptæ futuræ sunt, ac per easdem in hac vita gratiam, & in altera gloriam immorta- lem consequemur, ad quam deducere nos dignetur Deus Pater, & Filius, & Spiritus Sanctus. Amen.

DOMINICA SEXTA
POST PASCHA.

Quæ est Dominica infra octauam
Ascensionis.

Partes.

1. Quod præscita minus sint noxia.
2. De testimonio S. Spiritus & Apostolorum.
3. De aduersis à Domino prædictis.
4. Cur suos affligi vellet Dominus.

Cum venerit Paracletus, quem ego mittam
vobis à Patre, Spiritum veritatis, qui à Pa-
tre procedit, ille testimonium perhibebit de
me. Ioan. 15. & 16.

FIGURA.

ELIAS Propheta & sacrificuli Baal, cum
inter sese de veri Dei cultu, altercaren-
tur, his Baalim Deo vero præferentibus &
adoratione dignum asserentibus, illo con-
tra firmiter asseuerante, & prægnantibus ra-
tionibus euincente, solum Deum Israel ad-
orandum, sacrificijsque placandum; nec vl-
lum contentio finem haberet, ita tandem
inter eos conuenit: vt suo vterque Deo sacri-
ficium immolaret, & victimas, ac quorum
Deus primus tunc ignem cælo demississet,

quo sacrificium absumeretur, ille verum ad-
orare Deum censeretur. Elias igitur è tr. la-
pidibus, in memoriam 12. tribuum Israel,
aram construxit, cui cum ligna & taurum
superimposuisset, quæ & aqua humectabat,
quo miraculi dignitas foret euidentior; in
genua procubuit & Deum orare cepit. Et
ecce ignis subito cælo in aram delapsus ligna
corripuit, victimam succendit & in cineres
redegit. Testari ita Deus voluit, Eliæ Deum
solum adorandum, & omni obsequio & cul-
tu dignissimum esse, reliquos vero omni ho-
nore & cultu indignos. Vt autem à figura ad
veritatem descendam, dico Christum, ma-
gnum illud & honorificum crucis sacrifici-
um cælo obtulisse, quo Deus iratus homini re-
conciliatus est: altare, in quo oblatum, ipsa
fuit crux, ligna, plurima tormentorum ge-
nera quæ pertulit, ipse vero victima, iniuria
& impropria, quibus eum Iudæi prætereun-
tes impetebant, aqua fuit qua conspergeba-
tur. Et quamuis singula hæc ita se haborent,
ea tamen hominum pernicacia fuit, in ani-
mum inducere, vt nulla ratione possent, Ie-
sum verum Deum existere, quamuis mors
illius & resurrectio euidentia testimonia de-
dissent. Eia igitur, inquitum Christum, egre-
diamur, & ad vltimū diuinitatis meæ experi-
mentum veniamus: Spiritum S. cælitus de-
mittam, qui in forma ignea, in sacrificium ip-
se peragi dilabatur. Atque ita lapides fun-
damentales Ecclesiæ meæ, Apostolos in quibus
corripit & succendat, ne qua in posterum
dubitandi sit occasio, sed omnes certissime
credant, me non secus ac Pater verum Deum
esse, & vtalem omnes, post tot diuinitatis
argumenta, potentia, signa, & essentia no-
tas editas confiteantur. Hæc Euangelio ho-
dierno cõtineri video, quod vt ad illius glo-
riam & animæ vestræ salutem exponam, is ip-
se S. Paracletus in partem operis inuocan-
dus, & Deipara auxilium implorandum, quæ
ideo potissimum in genua prolapsi, angelicis
verbis salutabimus. *Aue Maria.*

Ea semper omnium sapientum opinio fuit,
nulla alia re, ingruentia aduersitatum iacula,
& tribulationum mundi huius tela facilius
excipi posse, inflictaque minus, quam si longè
ante animo voluantur ac prius quam feri-
ant,

riant, prouideantur. Quidquid enim aiebant inopinato nihilque minus cogitantibus accidit, percellere nos & consternare solet patientia nimirum clypeo spoliatos, quem si haberemus, facile omnes malorum ictus eluderemus. Is igitur ictus noxius & metuentus, qui prouisus non fuerit, at quæ postquæ præcepta & prouisa fuere, contingunt, angere & lædere minus solent: nec casus eorum adeo grauis, quod nihil noui aut insperati, sed potius aliquid eminus prouisi, nobis accidere videatur.

Primus opinionis huius auctor nominari potest Marc. Tull. Romanæ eloquentiæ patens & origo, qui in Tusculanis quæstionibus ait, repentina omnia uideri grauiora, quem & in distichis secutus Cato ait:

*Nam leuius ladii, quidquid prouidimus ante,
Et prouisa minus lædere tela solent.*

Hæc quidem Gentili deprompta pharetra, prudenter tamen inuenta, Christianoq; homine digna, quin & Gregor. Magnus, Ecclesiæ doctor, iisdem propemodum verbis vltus est, & in eundem sentum recidentibus: *Minus iacula feriunt quæ prouidentur, & nos tolerabilibus mundi mala suscipimus, se contra hæc prouidentia clypeo munimur.*

In hom. plurim. Mar. 2.

Diogen. Apophth. Interrogatus olim Philosophus Diogenes, quidnam tandem Philosophia illi edocuillet; scitè admodum respondit, dicens: *Prouidere, inquit, aduersa, & cum euenierint illa patienter ferre.* Egregium profecto apophthegma, & quo vix vllum legi elegantius, Christianæ legi accommodatius, & Philosophia Christi Iesu dignius, qui hoc nos & loqui modo & vitam instituere docet, id est, afflictiones dudum ante prouidere, & cum ingrueriat, forti & generoso animo easdem perperi. Vnde & natum prouerbium: *Tela prouisa minus feriunt.*

Basilisci natura. Li. de tran quill. ca. 11. Li. 6. natu quæst. 9. 3. 47. 77.

Eam basilisci naturam esse perhibent, vt, si hominem prius videat, mortem ei afferat; si vero ab homine e contra prius videatur, tantum absiret vt noceat, vt ipse emoriatur potius, aut in fugam saltim se conferat, quod diligenter notans Philosophus Seneca ait: *Nisi quidquid fieri potest, pro futuro habeas, das in te vires rebus aduersis, quas infregit, quis quis prior vidit.* Item alio loco: *Quæ alij diu*

patiendo leuia faciunt, vir sapiens leuia facit, diu cogitando.

Inquam rem sexcenta producere exempla possem: vt imprimis illud Anaxagoræ, ræ Philo- huic enim carceribus detento Athenis, eosophi eodem tempore & mortis inferendæ sententia, & filiorum interitus cum denunciaretur: ad primum quidem infracto & elato animo sic respondit: *tam pridem tam aduersus illos qui me morti adiudicauerunt, quam aduersum me, ex quo natura tulit sententiam, ad secundum vero ait: Sciebam me genuisse mortales.* Futurorum igitur prouisio & diuturna eorum expectatio hanc ei animi dabat constantiam, & infractum illum & incoccillum reddebat.

Ideo vero veteres illi sapientes prouide- Prudentia re, & quodammodo præoccupare mala fu- est mala tura & instantia solebant, tum ne, quando prouide- inopinato ingruerent, eisdem percellerentur, & ad terram concussi deicerentur, tum etiam vt minus graues ictus infligerent. Atque hoc magnum prudentiæ argumentum; quid enim aliud prudens quam porro videns? Ita prouidere futura solitus erat Sæuerus Imp. vt in vita illius Dion. Cassius refert: mortem siquidem, i. omnium malorum grauissimum, semper vt instantem quouis loco metuebat; quam vt perpetuo ob oculos haberet, loculum suum quotidie sibi mane ante lectum collocari iussit, quem contemplatus & complexus aiebat: *Tu virum capies, quem totus capere orbu non potest,* atque hac ratione sese ad mortem quotidie disponebat, ne, dū repente aduenisset, nimium quantum concuteretur.

Huc etiam respexit sancta illa Ægyptio- Herodot. rum veterum consuetudo, qui in solemnib. lib. 3. publicisque epulis, mortui cranium inferebant, omniumque conspectui exponebant, vt ita feralem illam Parcam, dum vere metuenda foret, non metuerent. Quæ enim prouisa & præcepta non sunt, dum adueniunt, percellere nos solent, & ad terram penitus deicere, eo quod incautos opprimant: verum quando longo ante tempore prospeximus, nulla nobis inopina nouaquerum facies accidit, neque eorum aduentu, vel minimum consternamur.

Plus. lib. de Refert ex Homero Plutarch. Vlyſſe poſt
animi trā- viginti annorum peregrinationem domum
quill. reuerſo, cane, qui longo illum prius tempo-
re nouerat, conſpecto hero, præ gaudio
expiſaſſe, vnde & ipſe lachrymari cœperit.
Hinc vero Penelopem vbertim etiam lacry-
mas fudiſſe tradit, ſed gaudij lacrymas &
exultationis: quam licet ille aſſiduo ſolare-
tur, & lacrymantis ab oculis lacrymas exte-
geret; non minus tamen emotus fuit, quam
ſi dura ſilex foret, aut Marpeſia cautes; cum
tamen catellæ caſus & interitus ipſi lacry-
mas expreſſerit. Cuius rei rationem Philo-
ſophus non aliam eſſe ait, quam quod vxor-
is ſuæ lacrymas, ſubita in re fundi à mulieri-
bus ſolitas præuidiſſet, non autem catellæ
expirationem, ad quam inopinatam con-
ſternatus illacrymari etiam cœpit, & vber-
tim flere.

Hæc occasione perſecutionum afflictio-
numque, quas Apoſtoliſ ſuis prædixit in
Euangel. Dominus, dicta ſunt, quo eaſdem,
dum tolerandæ obueniunt, maiori animi
eonia & robore perferret. Periti igitur
nauleri eſt, pericula maris prædicere, Syrtis
& charybdim prænuntiare; boni etiam ducis,
pericula belli prædocere: *Hæc locusus ſum*
Iean. 16. *vobis, ut non ſcandalizemini, abſq; ſynagoga ſa-*
Iean. 15. 16. *cient vos.* Verum alius textus repetendus,
& Ioan. ſeries tuenda: *Cum venerit paracle-*
tus, quem ego mittam vobis à Patre. Omnia
hæc expoſiturus, in duo more iam mihi cõ-
ſueto, membra concionem diuidam; primo
teſtimonia quæ Spiritus S. & Apoſtoli de
Chriſto dedere proſequar; In altero, perſe-
cutiones quas in hæc Euangelij denuntiatio-
ne exantlarint, recenſebo, quibus pro poſſe
enarratis, ſinem imponam.

Euangelij In vltima illa, quam coram Apoſtoliſ in
materia. die vltimæ cœnæ, Dominus habuit, admo-
nitione & paræneſi, e qua omnia Dominica-
rum poſt Paſcha Euangelia deprompta ſunt,
qua & illos conſolabarur, & animũ in aduer-
ſis quæ paſſuri eſſent addebat; inter cætera ad
diuinitatem ſuam ſpectantia ait: Spiritum
paracletum, quem à Patre immitteret; ampliſ-
ſimum de diuinitate ſua teſtimonium
daturum, teſtificaturum inquam, verum ſe-
ſe Deum eſſe, non vero creaturam.

Cum venerit Paracletus, quem ego vobis mit-
tam à Patre. Hic obſecro, Theologi notent, *lib.*
vt Chriſtus verbis illis hæreticos, qui poſt *Hærefes*
illius in cœlos aſcenſum in orbem venturi *retres*
erant, refutarit, eorumque argumenta & ia- *hoc loco*
cula inſregerit. Dum enim ait: *Quem ego mit-*
tam à Patre, eorum errorem iugulauit, aper- *refellat-*
te docens Spiritum non à Patre ſolum, ſed & *tur.*
à ſe, id eſt, Filio procedere. Dum: *Mittam à*
Patre, euidentiffime demonſtrat, Filium Pa-
tri conſubſtantialem eſſe, cum Pater & Fi-
lius vnum eundemque Spiritum producât,
atque ita Arrianorum errores refellit. Dum:
Qui à Patre procedit, apertiffime declarauit,
Spiritum Deum eſſe non vero creaturam,
vt inſano commento idem Arrius adſtrue-
re auſus eſt: quidquid enim a Deo proce-
dit, Deus quoque ſit oportet, creaturæ nam-
que e Deo ſubſtantia non prodeunt, ſed e ni-
hilo producuntur (vilem profecto produ-
ctionem!) Denique dum ait: *Ego mittam à*
Patre, oſtendit, aliam ſe à Patre perſonam eſ-
ſe, non vero vnam eandemque ſed diſtin-
ctam; atque ita nequiſſimi Sabellij errores
deſtruit & euertit.

Cum venerit Paracletus, quem ego mittam *lib.*
vobis à Patre. A Patre ſe illum ait emiſſu- *Filius à*
rum: & bene, nam vt Filius eſſe ſuum à Patre *Patre p-*
habet, ita & Spiritus ſancti miſſionem ab eo *teſtatem*
dem nactus eſt, vt & à Patre poteſtatem il- *Spiritus*
lius producendi. Pater enim æternus, vt ori- *mittenda*
go & fons omnis diuinitatis, à ſeipſo Spiri- *habet.*
tus S. & productionem & miſſionem habet,
at ambo hæc Filius nonniſi à Patre: atque
idcirco ait: *Mittam vobis à Patre.* Ita loqui- *Lib. 8.*
tur & Hilarius in libris, quos de SS. Trinitate
compoſuit: cum ipſo igitur aſſero, quem-
admodum *creat à Patre:* eo quod ſimul cum
Patre creet, vt pote creandi virtutem & po-
tentiam à Patre nactus, (*quia qui dat eſſe, dat*
& qua conſequentur ad eſſe,) quod & ipſe Do- *Ioan. 16.*
minus in Euangelio aſſerit: *Non poteſt Filium*
à ſe facere quidquam, niſi quod viderit Patrem
facientem) ita etiam ab eodem & virtutem
potentiamque Spiritus S. producendi, &
hunc in mundum mittendi nactum eſſe &
habere.

Porro hæc loquendi ratio in Sacris litte-
ris obuia eſt & frequens: dictum quippe in
Gen.

Gen. est: *Pluit Dominus à Domino sulphur & ignem super Sodomam.* Filius scilicet à Patre. Vna enim & eadem vtriusque est actio: eam tamen Filius à Patre habet: nam omnia opera Trinitatis ad extra sunt indiuisa. Ita porro huc locum Genes. Hilar. lib. de Synodis exposuit, & Concilium sub Iulio I. Pontifice maximo collectum. Sed relicta sublimi hac Theologia, ad moralem sensum delabamur, cum venerit Paracletus. Quanta horum verborum dulcedo! quam ipsa ad audiendum iucunda & suauia: cum venerit Spiritus. Ecquis, obsecro, Spiritus? non spiritus malitiæ, non peccati, non presumptionis, non iræ, sed Spiritus Paracletus, consolationis: scientiarum doctor quique nos homines veritatem edocet. Cum autem venerit ille Spiritus veritatis, docebit vos omnem veritatem.

Atque hoc innuit Apostolus, cum diceret: *Alij datur per Spiritum sermo sapientia, alij sermo scientia.* Spiritus qui spiritibus motum, & animabus vitam donat. Vnde Propheta: *Intrauit in vos spiritum meum.* & *viuetis.* Designatum hoc fuit in aridis illis ossibus, quæ Deus Propheta monstrauit, quæ neros nacta nouos & musculos & cartilagine & pelle denuo cooperta, mouere se, at viuere non potuerunt, donec Spiritus à quatuor ventis, id est, quatuor orbis partibus, eadem perfletet.

Cælorum orbis, ut quidem Aristoteles & constans omnium mecum Philosophorum opinio tradit, spiritum quandam & intelligentiam æream, in tutorem & directorem habent: atque omnes axes, spheræ, sidera, Planeta à virtutibus quibusdam & potentijs intelligibilibus impelluntur: à seipsis enim nihil possunt, sed grauias sunt & omnis motus expertia, sine vlla virtute, motu aut influxu. Idem & de iustis sentiendum, qui à Spiritu S. mouentur & diriguntur, sine ipso enim omnis sensus erga res diuinas expertes forent, nec ad virtutem proueniunt, inque bonis operibus torpidi. Ipse enim est, in quo viuimus, mouemur & sumus. Quam dulcia igitur faucibus meis verba hæc, cum venerit Paracletus.

Quis aut qualis ille Paracletus? quidnam efficiet? quidnam potest? potest omnia, mi-

rabilia efficiet: Deus enim est, ut Pater & Filius, plurimæque munia & functiones habet; munia. ipse peritissimus ductor & director est: nam ut ventus naues ad portum propellit; ita & Spiritus ille animas ad portum cælestem dirigit ac promouet; vnde Psaltes: *Spiritus tuus bonus deducet me in terram rectam.* Ipse Angelorum hominumque doctor, ipse Apostolos omnigena dotauit scientia, & linguarum dono cumulauit, ita ut *coeperint loqui varijs linguis.* Oculis hyaræ, ut quidem Diofcorides ait, gemma educitur, quæ futura prædicat, & obscura reuelat, cum dormientis capiti subiicitur. Ita & Spiritus Paracletus à Patre simul & Filio procedens, cordi Apostolorum iniectus, disertos eos reddidit, ut futura annuntient, secreta & abscondita reuelent, & omnium linguas nationum loquantur.

Idem Spiritus afflictorum, ærumnisque oppressorum tutor & patronus est: restatur id Apostolus dicens: *Spiritus adiuuat infirmi.* Rom. 8. *tatem nostram.* Idem hominum Angelorumque mediator: quo eum Ezechiel nomine nuncupat: *Ponam spiritum meum in medio vestri.* Ipse pusillanimum Achilles, debiliu robur ac fulcrum infirmorum: vnde Psalmographus: *Et spiritu principali confirma me.* Ipse fidelium merces & laborantium præmia, ita Ioannes in Apocalypsi, modo iam dicit *Spiritus, ut requiescant à laboribus suis.* Ipse denique animarum consolator & gaudium; restabitur hodiernum Euangelium, cum venerit Paracletus.

Quotnam obsecro Spiritus hic cælestis Spiritus S. nominibus appellatur, quot titulos & epitheta sortitur. Primo appellatur *Sanctus*, vel sacris litæ quod nos efficiat sanctos, vel quod sit ipsa sanctis nominis. Secundo, *Spiritus rectus*: hoc cum nomina fortissime Psalmista donauit, *Et spiritum rectum tuum inuoua in visceribus meis.* Tertio, *Spiritus bonus.* Ipse enim gratiâ in hac vita elargitur, & gloriam sempiternam in altera; quæ vera bona sunt, utpote quæ perdi nequeunt, & semper hominem comitantur: *Spiritus tuus bonus deducet me in terram rectam.* Quarto, *Spiritus principalis.* Ipse namque origo, fons & principium omnium virtutum, & omnium gratiarum in anima nostra causa: *Spiritus* Psal. 50. *prin-*

principali confirma me. Quinto, Spiritus Domini. Nam qui spiritum hunc habet, vere Domini sunt: corpori, mundo, & diabolo imperantes, qui vero eodem carent, non nisi serui & mera mancipia, omnibusque rebus creatis subiecti: Spiritus Domini super me. Paracletus denique in Evangelio hodierno dicitur:

Isai. 61.

Cum venerit Paracletus. Cum autem iam iam venerit quid facturum est? Ille testimonium perhibebit de me. id est de diuinitate mea.

Ioan. 15. & 16.

Et sane eiusmodi testimonio opus erat, quo euident & manifesta Christi redderetur diuinitas; opus, inquam, erat, vt crederent homines, hominem Deum fuisse morti adiudicatum innoxium, passum, immortalem: crucifixum, redemptorem: & quare odiandam, mundum conuertendum, Imperatores confutandos, Monarchias deprimendas, respublicas expugnandas, & idiotas piscatores Philosophorum doctores constituendos: adhuc scri. omnia Spiritus S. testimonium necessarium erat. Varia quidem olim de Christo Prophetarum testimonia dederant: Hinc testimonium perhibent omnes Prophetarum, mille in natiuitate, omnes perhibuerant creaturam, stellam, reges, Angeli, bruta quin etiam animalia, deinde & Simon, Anna vidua, Ioannes Baptista. tot adeo Trinitatis testimonia quoque; videre fuit illius in baptismo, testimonia in transfiguratione, testimonia in passione, dum ipsa etiam tellus concussa tremuit, sol deliquit passus est, mortui ad vitam surrexerunt, & petra scissae sunt. Et quamuis adeo praegnantia efficacique; haec fuerint, credere tamen homines non potuerunt, Iesum Christum Deum fuisse, quamobrem necesse erat Spiritum ipsum caelo descendere, & de diuinitate testimonium ferre.

Spiritus Sancti testimonium necessarium erat ad firmandam diuinitatem Christi.

Apo. 10.

Ille testimonium perhibebit de me. Et fuit profecto difficile persuadere hominibus Deum humanam naturam assumpsisse, se exinanuisse, pauperem nostri causa factum, & in cruce suffixum exspirasse. Huc pertinere humanum ingenium non poterat, nec intellectus hoc comprehendere, imo & Prophetarum omnes haec fieri non posse credebant: vnde de rei grauitate & hominum incredulitate

Ioan. 15. & 16.

conquestus Isaias exclamat: Quis credidit au- Chaillo
ditur nostro? Idcirco Spiritum S. descendere testatus
necesse fuit, qui amplissimum horum omnium est.
testimonium redderet: quo ita mundi in-
credulitatem conuinceret, ad credendum
induceret, & clamare alta voce cogeret, Te-
stimonia tua credibilia facta sunt nimis.

Isai. 53.

Psal. 92.
Spiritus
S. ter de

Tertia porro Spiritus S. de Christo Iesu testimonium perhibuit. Primo, cum a Ioanne baptizaretur, quando nimirum, quo diuinitatem illius adstrueret, visibiliter in ipsum columbae specie delapsus est. Secundo, in glorioso transfigurationis triumpho, quando in nube lucida rutilantique apparuit. Tertio, in ipso Pentecostes die, testimonium in forma ignis & flammantium linguarum super Apostolos descendit, sic infra facta & heroica constantia per omnes terrarum angulos edoceret, Iesum Christum mundi Redemptorem ac liberatorem esse. Vnde Ioannes in Epistolis: Spiritus est, qui testificatur, quoniam Christus est veritas. Cuius testimonio accedens in Evangelio Dominus ait: Ille testimonium perhibebit de me.

Non potuit profecto maius nec apertius diuinitatis testimonium dari, quam tantum ac talem, ad testandum ipsum Deum, Spiritum emitti. Iacob Patriarcha, audito, filium Ioseph superesse & adhuc vesceri aera aetherea, dominarique in tota terra Aegypti, velut a somno expergefactus & conuulsus est, non secus ac si fabulas narrari audisset, nec fidem filiorum verbis adhibere poterat: sed visis curribus, compectu & omni suppellectile pretiosa, quam ex Aegypto asportauerant, omni dubitationi postposita, rem ita se habere sibi persuasit. Vnde colligitur, e pretiosis illis quae Ioseph miserat donis Iacob confirmatum credidisse, filium in Aegypto dominari, ac plurimis regnis cum absoluta potestate praesse. Idem omnino hodie in Evangelio fieri videmus: ait enim quodammodo Christus, Verulus ille & decrepitu mundas credere vix potest, Deum me esse: quamuis Prophetarum, filij, inquam, eius tam euidenter id designarint: at mox vt pretiosum illum Spiritum gratis locupletem misero, aperte

Gen. 41.
Gen. 41.
Gen. 41.

eorum auditum fuit & creditum. *In omnem terram exiit sonus eorum.*

Pfal. 18.
Mirabile testimonium Apostolorum de Iesu Christi diuinitate.

Quamliquida probatio, & quam clarum diuinitatis & potentia Iesu Christi testimonium fuit, duodecim piscatores, rudes & rerum ignaros, vniuerso orbi arma mouere, formicas elephantis insultare, pygmaeos aduersus gigantes & aduersus colubas gryphes insurgere, & armis adeo imparibus arma siquidem mundi sunt prudentia, sagacitas, eloquentia, potentia, minae, vana promissa, suppliciorum terror, voluptatum, honorum, diuitiarum, & aliarum rerum illicia: Apostolorum vero paupertas, simplicitas, humilitas, patientia, & caritas: & aliae plurimae virtutes. Explicat vtrumque Apostolus in prima ad

1. Cor. 4.

Cor. Maledicimur, & benedicimus: persecutionem patimur, & sustinemus: blasphemamur, & obsecramus. Deinde & conflictu iniquo: mundus siquidem suos vento voluptatum vult abripi, & ventri & genio indulgere: Apostoli vero idola deferri, Christum in cruce adorari, spiritum in obsequium fidei subiici, cruce & afflictiones a quo animo tolerari, propria voluntatem abnegari debere docent: atque haec vera vitae, doctrinae, & diuinitatis Iesu Christi testimonia sunt, quod Propheta inuinit dicens, *Vere vos estis testes mei, dicit Dominus.*

Isai. 41.

An non euidentis veritatis testimonium fuit ignaros piscatores, inermes, doctos, omnium Imp. arma & potentiam fregisse? Deus, quo potentiam suam exaltaret, olim Iobo Prophetae sub aenigmatis inuolucro cit, *Nunquid ingressus es thesauros niuis, aut thesauros grandinis aspexisti, qua preparavi in diem pugnae?* quod exponens Gregorius, & nucleum allegoriae explicans, ait: arma haec & milites sanctos Apostolos existisse, qui ante Spiritus sancti in mundum aduentum niue frigidiores erant: quibus tamen Deus in die pugnae, quando vniuersum mundum subiugauit, & sub potestate suam redegit, uti voluit. Atque hac ratione amplissimum de Christo Iesu testimonium dedere, miraculis inquam, verbis ac vitae sanctitate haec siquidem testimonia intellexit

Ioan. 15.

CHRISTVS cum ait, Et vos testimonium perhibebitis.

Vos, inquam, quibus omnia mea secreta patent, qui singula miracula mea vidistis, qui toties doctrinam meam audiistis, qui vitae quam duxi orationem perspectissimam habetis: de iisdem loqui potestis, & velut testes oculati testimonium reddere poteritis. Quod Petrum re ipsa praestitisse ex Actis Apostolorum manifestum est: *Hunc Deus suscitauit tertia die & dedit eum manifestum fieri omni populo, sed t. s. s. praordinatis a Deo nobis qui manducauimus & bibimus cum illo postquam resurrexit a mortuis.*

Tria ad testimonio auctoritatem conciliandam necessaria sunt, ne ut vstrum aut teste verum imminutum reiciatur. Primo ut testis de re qua testatur, certus sit nec opinetur tantum solum dubitans & vacillans, sed certa quadam scientia eam perspectam habeat. Secundo, ut constanter veritatem profiteatur. Tertio, ut omni exceptione maior sit, omni culpa vacans, nec vlla in re reprehendendus. Tria haec quam perfecte in Apostolis reperire fuerit, dici non potest: primo enim testabantur ea, quae oculis vidissent: Audite ut hoc Ioannes de se suisque condiscipulis in epistola testetur, *Quod vidimus, quod audimus, & manus nostra contrectauerunt de verbo vita & Petrus in sua, Non incertas fabulas secuti, sed speculatores facti illius magnitudinis.* ac deinde omnes in genere Apostoli: *Non possumus qua vidimus & audimus non loqui, &c.* Deinde infracte & constanter admodum, sine vilo mortis metu, nullis suppliciiis exterriti, veritatem elocuti sunt, denique adeo sancte pieque vitam instituerunt, nulla ut in re digni vel minima reprehensione forent. Idcirco praceptor probitatem eorum & sufficientiam perspectam habens, & testimonio ferendo idoneus sciens, ait, *Et vos testimonium perhibebitis.*

Non solus autem Apostolos hic allocutus est, sed & omnes in genere religiosos, quibus ex vi voti, de Iesu Christi paupertate, humilitate, & obedientia testimonium ferre incumbit, ut qui ab initio cum ipso fuerunt, id est, a totiam annis cum ipso conuersati sunt, illiusque se obsequio manciparunt. Quadrant haec etiam in concionatores, veros Iesu Christi illiusque; Euangelii praecones, hominum

rum namque est, de cruce illius & amore, passioneque luculentissimum testimonium terre, honestam nimirum vitam instituen- do, humilitatem sectando, & mundum contemnendo. Væ autem iis qui secus egisse cõ- perti fuerint, infame siquidem est & deplora- randum, sibi perniciem creare alios nihilo- minus ad gloriam euocare.

Dicitur.

Gaditæ & Rubenitæ quamuis aliis tribu- bus auxilia & suppetias tulissent, & arma in terra promissionis comparanda submini- strassent, tamē in eadem commorari nolue- runt, aut stabilem fortunarū suarum sedem sibi figere, sed alias ad habitadum sedes haud procul à Iordane delegerunt, quod locus ille & pascuus & campetris esset pascendis gre- gibus peraccommodus. Infelices igitur illi, qui cælo neglecte, rebusque cœlestibus pro- culcatis, caducis vitæ huius bonis contenti viuunt: quo brutali suo appetitui & concu- piscentiæ carnali melius commodiusque fa- rificiant atque ita gloria cœlesti quæ tum Deo tum Angelis communis est, excidunt.

Isai. 37. Mundus caliginosus est

Vos igitur concionatores Isaia consulen- ti credite, illius vocem audite, *Super montem caliginosum leuate signum, exaltate vocem, le- uate manum.* Cæterum mons ille obscurus & caliginosus ipse mundus est, erroribus plenus, ignorantia tenebris obitus: in quo Prædicatores signum, id est crucem, quæ ab omnibus omnino hominibus contemnitur, leuare iubentur, pœnitentiam sc. denuntia- re, afflictiones, labores, & cruciatus in signū proponere. In quo etiam eos vocem exalta- re Deus præcipit, aduersus peccata & vitia cum spiritus ardore & zelo detonare: manus quoque atollere, manum scilicet operi ad- mouendo, vt nimirum opere compleant, quod verbis docuerit. Hoc nempe pacto vi- tam instituere, est bonum de Christo Iesu testimonium ferre; & hoc ipsum erat, quod prima cõcionis parte deducere decreueram: secundam iam aggrediar, in qua hæc verba: *Hæc locutus sum vobis, vt non scandalizemini,* explicanda suscepi.

III. Christus Apostolis suis tribu-

Christus igitur, postquam Apostolos post mortē suam testimonium perhibituros di- xisset, aduersitates que & persecuciones va-

Tom. I. Pars Hyemalis.

rias ob testimonium hoc subeundas præmo. lationes nuiisset: solari quoque eos & dolorem è ver- pradicat. bis prioribus conceptum lenire voluit, simul edocens æquam rebus in aduersis & lætis mentem seruare. Filii Israel cum grauitate an- Iud. 3. gerentur, & hostili iugo premerentur, opem cœlestem implorarunt. & ad Deum confu- gerunt, qui sospitorem iis misit Aod nō- mine, ambidextrum, & sinistra tam prom- pre vtentem quam dextra, vt ducis huius do- tes homini iusto accommodem, dico inter illius perfectiones primā esse, aduersa simul & prospera æqua mente perferre, & in vtrius- que æque fortem esse.

Cassianus autem allegoriam hanc expo- nens, ait per manum dextram prosperitatem spiritualem designari, cuius digiti sunt de- uotio; rerum spiritualium dulcedo, cordis teneritas, dominium in concupiscentiam carnis, atque omnium visibilium rerum cõ- temptus: per sinistram vero aduersitatem spiritualem cuius digiti sunt tentatio per tri- bulationes, deuotionis carentia, exiguus erga res spirituales affectus, cordis ariditas, & spiritus tristitia. Beata igitur anima illa quæ duabus hæc manibus prudenter vti- tur: plurimi namque dextra abutuntur, dum in prosperis insolescunt, & sublimia de se cogitant: alii vero sinistra, dum aduersis deiciuntur.

Aduersitas & prospe- ritas duæ mundi ma- nus sunt.

Equidem per dextram illam, prosperita- tem temporalem designari crediderim, cuius digiti sunt honor, sanitas, pulchritudo, diuitiæ, nobilitas: per sinistram autem, ad- uersitatem temporalem, cui hos assigno di- gitos, infamiam, egestatem, morbos, igno- bilitatem & persecuciones. Hæc nimirum vtraque mundi manus est, at adeo lectu dif- ficilis, vt vnā sine altera nec ipsa Sale mon- postulare voluerit, dicens, *Mendicitatem & diuitias ne dederis mihi.* Solus Aposto- lus scire vtraque vti nouit, ego enim didici, *in quibus sum, sufficiens esse. Scio & humiliari, scio & abundare (ubique in omnibus insti- tutus sum) & satiari & esurire, & abundare, & penuriam pati, omnia possum in eo, qui me cõ- fortat.* Apparet hinc ad oculum, quam Pau- Simile. lus ambidexter fuerit: quem vtinam omnes imitentur Deus autem cum vtraque suos fe- riat,

Prou. 30.

Philip. 4.

riat, æquabilitatem mentis in percussis optat.

Ecl. 12.

Solent fabri ferrarii haud procul à fornace habere frigidam: sine igne namque ferrum aptate non possent, nec sine aqua temperare; fabros imitari etiam consuevit Deus: modo enim prosperitates hominibus elargitur, quibus velut aqua eos aspergat, modo aduersitatem igne excoquit. vnde Ecclesiasticus: *In igne probatur aurum: homines receptibilis in camino humiliationis.* quo loco alia versio legit: *Homines vero acceptabiles, suppleto, sunt.* Ideo sancti clamare coram Deo dicuntur: *Transiimus per ignem & aquam, & eduxisti nos in refrigerium.* Hæc igitur dicta sunt occasione verborum: *Hæc locutus sum vobis, ut non scandalizemini.*

Psal. 65. Ioan. 16.

Id est, dum aduersitates in caput vestrum ingruent, quas vobis modo prædico, nolite offendi, aut nimium quantum deici, neque enim vos deseram, sed Spiritum paraclerum vobis mittam, qui in aduersis vos consolaturus, & auxilium laturus est. Admirabilem templi Salomonici fabricam & situm dum Ezechiel descripsisset, ad finem subnectit, dicens: *Ab hoc templo aqua egrediuntur, usque ad mare, profuunt, & aquas ipsius maris dulces efficiunt: pisces vero quos producebant, quam plurimi & pulcherrimi erant.* Sublime profecto mysterium: quo aliud non

Ezech. 47. Allegoria egregia.

declaratur, quam tribulationes & ærumnas, quibus iusti in hoc mundo affliguntur, et si ingens lateque stagnans mare efficere videntur, mox ut suauissimis diuinarum consolationum, quæ è templo illo admirabili, i. Christo Iesu, promanant, aquis conspersæ fuerint & tinctæ, dulces & iucundas reddi, ac plurimos in iisdem piscem progigni, id est, plurimorum meritorum causas existere. Atque hoc est, quod Dominus Apostolos suos edocere voluit, dum ait: *Hæc locutus sum vobis, ut non scandalizemini.*

Ioan. 16.

Quamprimum ut eos testimonium daturus dixit, tribulationes mox & afflictiones, quæ hæc in functione eos manerent, subiunxit: ad quarum auditum ne forsitan animum desponderent, consolatur eos & dolorem pellere conatur. Nam ut terra her-

Simile.

bis, quas ex seipsa producit vires suppeditat, ut sine vilo hominum adminiculo & cretâ, germinent, & floreat: iis vero quas humana plantavit industria, aut hortulani manus, nihil præter succum & humorem clarigitur, ita ut nisi manus plantatoris succurrat & adminiculetur, peritura sint: sic etiam mundus hic cum mundanis, filiis inquam & germinibus suis, agit, hos enim fouet, honoribus & voluptatibus beat, amplectitur, stringit: iustos autem & electos, filios Dei charissimos contemnit, vilipendit & negligit, imo tantum abest, eos ut exosculetur, ut etiam quam potest acerbissime illos affligat & excruciet. Huc respexisse crediderim Christum, cum Apostolis diceret: *Si de mundo fuissetis, mundus, quod suum erat diligeret: quia vero de mundo non estis, sed ego elegi vos de mundo, propterea odit vos mundus.* Hinc quoque Psaltes coram Domino confitetur dicens: *Tibi derelictus est pauper, iustus scilicet, qui paupertatem voluntariam amplexus est, atque instar pupilli & orphanæ ab omni se mundano gaudio sequestrauit, ob quod varias tribulationes experitur: verum huic orphanæ tu eris adiutor, arque aderis, ne in aduersitatibus succumbat.* ex mente scilicet Euangelii in quo legimus: *Hæc locutus sum vobis, ut non scandalizemini.*

Ioan. 11.

Psal. 9.

Iustus phanoculatus.

Ioan. 10.

Labores & tribulationes discipulis in Euangelii prædicatione euenturas prænuntiat eademque ratione docet, iustos & pios scandalizari non debere, aut velut rem nouam suspicere, si afflictionibus & ærumnis interdum exagitentur & exerceantur, interea dum hic viuunt: multas quidem ob causas suis easdem Deus immittere consuevit, quarum tres præcipuas referam. Primo, quod ingentem semper utilitatem & commodum secum trahant: quod è prosperitatibus, quæ illarum contrarium sunt, facile intelligi potest, nam, ut olim Aristoteles multis in locis docuit. *Contrariarum causarum contrarij sunt effectus*, adeo ut si vnum malum progignat: alterum bonum proferre debeat. Mundi autem prosperitas Dei semper obliuionem inducit: vnde Propheta, *Homo cū in honore esset, non intellexit, & nobilis.*

IV. Ratio varietatis iustis tribulationes immittit Deus.

Lib. de generatione & phys. Psal. 48.

bilis conditionis suæ oblitus est. Seneca item in eundem sensum, fortuna quem nimis fouet, stultum facit, atq; ex hac obliuio, ne superbia quædam & fastus intolerabilis procedit, si Psalmographo dicenti, In labare hominum non sunt, & cum hominibus non flagellabuntur, ideo tenuit eos superbia, fides habeatur. Omnes siquidem prosperis insolescentes, animæ suæ damnum incurrunt, & in voluptatum campo deliciarumque periculum adeunt, teste Poeta,

Luxuriant animi rebus plerumq; secundis.

Nec facile est aqua commoda mente pati.

Cum igitur prosperitas, malacia, ac mundi huius tranquillitas horum omnium causa sit; credendum est e contra, aduersitatum & tribulationum procellam, quæ illius oppositum est, bonorum omnium causam esse, atque homini miseriam suam in mentem reuocare, & infinitam Dei misericordiam animo illius insculpere. Hinc bene Magnus Boethius: Plus hominibus reor aduersam quam prosperam prodesse fortunam; & post eum magnus Gregor. Nisi tribulationes essent, homines obliuiscerentur Dei, tribulationes quæ nos hic premunt, ad Deum ire compellunt. Cuius rei egregiam in Genesi figuram legimus.

Agar Saræ ancilla, quod superba & elata esset, atque heram potius ageret, domo Abrahæ exacta fuit, & in desertum ac solitudinem pulsa: ubi Angelus eam compellauit dicens: Reuertere ad dominam suam, & humiliare sub manu illius. Quam figuram exponens August. ait: ideo potissimum ancillam hanc afflictionibus & ærumnis vexatam fuisse, ut hac ratione ad dominam reuertetur. Ad hoc, inquit, ancilla affligitur, ut reuertatur. Cui etiam Psalmista accedens longe ante ait: Tribulationem & dolorem inueni, & nomen Domini inuocaui, ut auxiliaretur & suppetias ferret.

Secundo, idcirco Deus tribulationibus iustos exagitari cruciatique interdum permittit, quod ipsæ ad salutem beatitudinem que sempiternam obtinendam imprimis necessariæ sint. Testatur id Christus ipse, cum non aliud sibi ad gloriam adeundam, nisi per scruposam tribulationum semitam

paruisse iter confirmat: Oportuit Christum pati, & ita intrare in gloriam suam. Si ipsum Dominum necesse fuerit pati, quo gloriam adiret, an non multo magis nos, qui non nisi peccatores sumus, & omni flagitiorum genere cooperti, tribulationum iter calcare, & laborum semitam ingredi par est: Atque ita argumentatur Bernardus, dum quodam in loco ait: Si oportuit Christum pati, & ita intrare in regnum suum quomodo nos miseri intrabimus in regnum non nostrum, nisi prius patiamur? Vnde etiam exclamat Apostolus Petrus, (clamantem obsecro audite): *hæc istus, inquit, pro nobis passus est, nobis relinquens exemplum, ut sequamur vestigia eius.* Ipsa igitur tribulatio cœli ianua; de qua merito illud Propheta: vsurpare possumus: *Hæc porta Domini, iusti intrabunt per eam.*

Tertiam immisurarum calamitatum afflictionumque statuere causam licet, ut his gustatis certissimum iusti prædestinationis argumentum hinc colligerent, & gloriæ æternæ velut artham acciperent. Testatur ipsum Bernardus, qui in homilia dicere non est veritus: *Qui in hoc mundo flagellari non merebitur, in alio torquetur.* Tribulationi ideo vnicæ salutem suam adscribit Psalter, dum ait: *Castigans, castigauit me Dominus, tribulationum suarum scilicet virga, & morti non tradidit me, id est, salutis hæc mea causa extirpit, & soli huic, quod mortem perennem euaserim, adscribere debeo.* Idem & proficetur Tobias, dum immensas Deo ob tribulationes immisissas gratias agit, vitamque suam illis attribuit: *Benedico te Domine Deus Israel, quia tu castigasti me, & tu saluasti me.*

Ipsa igitur certissima prædestinationis sunt signa, æternæ beatitudinis artha, securissima ad cœlum via; hominibus imprimis viles, iustis honorabiles, & ad animarum salutem maxime necessariæ. Ideo nemo scandalizetur aut offendatur, si quando sibi eas immiti cernat, nemo iis inuitus humeros supponat, nemo dum ingruunt, indignetur; sed omnes libenter eas suscipiant, ambabus manibus amplectantur atq; generose illas perferant. Felix igitur, hanc qui crucem in hoc mundo gestat

an. 1.
cal. 9.
stus
ano col.
cus.
an. 10.
IV.
atione
aria cu
stis
ulatione
eus.
in Ioan.
p. 114.
Tribula-
tiones ad
beatitudi-
nem ac-
quiritam
cōducunt.

In serm.

1. Pet. 2.

Psal. 117.

Ibidem.

Tob. 11.

Tribula-
tionum
encomiū.

per hanc enim recta ad gloriam cœlestem patet via.

Conclusio.

Quamobrem, Catholici Auditores, cum Christus Dominus gratia nobis sua & infinita misericordia Spiritum paraclitum promittat, cuius iam vires potentiamque à me audistis, quas & melius cognoscetis, si sancto hoc Pentecostes die, ad illius dona & charismata recipienda vos dignos capaceq; reddideritis. Animos, quæso, vestros disponite, & cordis habitaculum ad tantum tamq; eximium ac magnificum hospitē recipiendum præparate: quod ut præstetis digne, permulta vobis sunt necessaria; primo singularis quædam animi mundicies; neq; enim in loco sordido putidoque, aut peccatorum mephitim redolente commorari vult, ut alibi Salomon ait, & in Euangelio Dominus, *Beati mundo corde*. Secundo omnium virtutum ornatus & nitor, tam extrinsecus quam intrinsecus, de quo locutus est Psalmista: *Omnia gloria filia regis ab intus, in simbrijs aureis circumamicta varietatibus*. Tertio tam animi quam cordis humilitas, nam, *qui se humiliat exaltabitur*. Quarto feruens & assidua oratio, vnde Euangelista: *Dabit spiritum bonum potentibus se*, & Sapiens: *Inuocauit, & venit in me spiritus sapientia*.

Præter etiam hæc requiritur singularis quædam animi tranquillitas, & perpetua conscientia quies & pax. scriptum namque legimus: *In pace factus est locus eius*. & hæc est, quam toties Apostolus fidelibus precatur, *Pacem habete, & Deus pacis & dilectionis erit vobiscum*. Sexto, verus & sincerus amor, quo Deus super omnia diligatur: *Si quis diligit me, sermonem meum seruabit*. Post quæ deinde dicitur: *ad eum veniemus*. Hæc igitur media sunt, quibus recipi haberiq; Spiritus S. potest: vestrum vero est eadem vsurpare, vestrum est in afflictionibus perseuerare, nec

tribulationibus superuenientibus animo deliciat patienter & heroice eadem ferre: interea dum ipse silentium facio, atque operi huic coronam impono.

Tu autem, Domine Iesu, æterne ab æterno & omnipotenti Patre Deus, cuius diuinitatem potentiamque Angeli simul & homines, Prophetæ ac reges, Apostoli quoq; & ipse Spiritus sanctus testati sunt, Spiritus, inquam, quem hodie in terram te missurum spondes, quo de te & veritate testimonium perhibeat; eundem nobis, obsecro, mitte; non quidem ut te Deum esse testetur (neque enim iam dubitamus, sed firmiter credimus Deum te non secus atque hominem esse, quamquam hominum caput & Redemptorem) sed ita eum dimitte, ut olim in Apostolos eum descendere fecisti, ut in lege nos tua erudiat, & in fide confirmet, amorem in nobis tuum succendat, & mundanum penitus extinguat. Mitte inquam illum, ut omnibus nos linguis loqui, atq; in benedictiones, maledictiones, in virtutes, vitia, in bona exempla scandala, in laudem & gloriam iurias & opprobria doceat conuertere. Gloriosum illum Spiritum mitte, ut ita te laudare discamus, in cultu & obsequio nominis illi tui nos roboret, in tolerandis aduersis constantiam suggerat, in medijs tempestatibus constitutos consoletur. Mitte eum, ut in aduersis defensor, in laetis moderator, in ignorantia doctor, in necessitatibus pater, in periculis sit conductor; nos denique nauclerus, quo in mundi huius oceano tam securam instituamus nauigationem, ut æternæ beatitudinis portum intrare valeamus; ad quem Pater æternus, Filius vnigenitus, ac Paraclitus Spiritus nos deducere dignentur, Amen.

Docebo iniquos vias tuas, & impij ad te conuertentur.

Psalm. 50.

F I N I S.